



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-271-4/22**
Datum: **08.08.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica, «HOMAR» d.o.o. Travnik za donošenje rješenja o vodnoj dozvoli za ispuštanje tehnoloških otpadnih voda sa lokaliteta pogona za primarnu preradu drveta u naselju Donje Krčevine - Turbe, općina Travnik, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica, «HOMAR» d.o.o. Travnik za donošenje rješenja o vodnoj dozvoli za ispuštanje tehnoloških otpadnih voda sa lokaliteta pogona za primarnu preradu drveta izgrađenog u naselju Donje Krčevine - Turbe na zemljištu označenom kao k.č. broj: 388 K.O. Krčevine, općina Travnik, s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene tehnologije proizvodnje čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Od strane pravnog lica, «HOMAR» d.o.o. Travnik, podnesen je ovoj Agenciji dana 01.06.2022. godine zahtjev za izdavanje vodne dozvole ispuštanje tehnoloških otpadnih voda sa lokaliteta pogona za primarnu preradu drveta izgrađenog na zemljištu označenom kao k.č. broj: 388 K.O. Krčevine, općina Travnik.

Uz zahtjev je dostavljena sljedeća dokumentacija:

- Ovjerena kopija Rješenja o upisu u sudski registar broj: U/I-49/2000 izdatog dana 04.02.2000. godine od strane Kantonalnog suda u Travniku,
- Ovjerena kopija Potvrde o promjeni podataka za porezni identifikacioni broj izdate dana 23.10.2020. godine od strane Porezne uprave Federacije Bosne i Hercegovine - Kantonalni porezni ured Novi Travnik,
- Ovjerena punomoć zastupnika podnosioca zahtjeva od 26.05.2022. godine,
- Kopija Rješenja o davanju saglasnosti za obavljanje djelatnosti rezanja drveta broj: 03-18-15/99 izdatog dana 18.12.2002. godine od strane Ministarstva privrede Srednjobosanskog kantona,
- Ovjerena kopija Rješenja o urbanističkoj saglasnosti broj: 04/04-23-1194/01 izdatog dana 18.06.2001. godine od strane Službe za urbanizam, građenje, katastar i imovinsko-pravne poslove Općina Travnik (izdato za Helda Kasim iz Krčevine-vlasnik pogona «HOMAR»),

- Ovjerena kopija Rješenja o izmjeni urbanističke saglasnosti broj: 04/03-23-3-61/20 izdatog dana 08.06.2020. godine od strane Službe za urbanizam, građenje, katastar i imovinsko-pravne poslove Općina Travnik,
- Ovjerena kopija Rješenja o odobrenju za građenje broj: 04/06-23-1837/01 izdatog dana 17.09.2001. godine od strane Službe za urbanizam, građenje, katastar i imovinsko-pravne poslove Općina Travnik (izdato za Helda Kasim iz Krčevine - vlasnik pogona «HOMAR»),
- Kopija Rješenja o vodnoj dozvoli broj: UP-I/25-3-40-321-4/15 izdatog dana 31.08.2015. godine od strane «Agencije za vodno područje rijeke Save» Sarajevo,
- Kopija Rješenja o okolišnoj dozvoli broj: UP1-07-19-3308/21 izdatog dana 08.06.2021. godine od strane Ministarstva prostornog uređenja, građenja, zaštite okoliša, povratka i stambenih poslova Srednjobosanskog kantona,
- Kopija Rješenja o vodnoj dozvoli za korištenje vode i ispuštanje sanitarno fekalnih voda broj: 05-25-90/19 izdatog dana 10.07.2019. godine od strane Ministarstva poljoprivrede, vodoprivrede i šumarstva Srednjobosanskog kantona,
- Glavni projekat za poslovni objekat-Pilana u naselju Krčevine, Turbe urađen od strane «AUP» d.o.o. Travnik, februar 1998. godine (na uvid)
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-321-4/15 od 31.08.2015. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 20.06.2022. godine konstatovano je da podnosilac zahtjeva «HOMAR» d.o.o. Travnik redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak lokaliteta predmetnog pogona za primarnu preradu drveta u naselju Donje Krčevine - Turbe, općina Travnik te je sačinjen zapisnik o izvršenom uviđaju broj: UP-1/21-3-40-271-3/22 od 05.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pogon za primarnu preradu drveta «HOMAR» izgrađen je u naselju Donje Krčevine -Turbe, uz regionalnu cestu Turbe-Karaula. Pogon se sastoji od objekta pilane, silosa za piljevinu, stovarišta oblovene-trupaca, otvorenog stovarišta gotovih proizvoda i administrativni objekat sa pomoćnim prostorijama. Prosječna godišnja prerada je do 5000 m³/god trupaca. Proizvodi se rezana građa i palete.
- Snabdijevanje pitkom vodom je riješeno priključkom na lokalni vodovodni sistem a sanitarno-fekalne otpadne vode se prikupljaju zasebnom kanalizacijom i odvođe do septičke jame za što je od nadležnog Ministarstva Srednjobosanskog kantona izdat vodni akt.
- Oborinske vode sa krova i radno-manipulativnih površina pogona slobodno se ispuštaju na okolni teren.
- Piljevina iz procesa proizvodnje prikuplja se zatvorenim sistemom otprašivanja i privremeno skladišti u silos. Ista se prodaje trećim licima na dalju obradu.
- Proizvodni proces prerade drveta vrši se bez upotrebe nafte i naftnih derivata, a u samom proizvodnom procesu se ne upotrebljava voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te

člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-271-2/22 od 22.06.2022. godine.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «HOMAR» d.o.o. Travnik
Donje Krčevine br 7, 72283 Turbe
- AVP Sava, ISV-vodna knjiga
- Sektor 50
- 4 Sektor 40 – arhiva
- Oglasna ploča – AVP Sava